

甌

甄

洞

藁

甌甌洞藁卷之二十

武昌吳國倫著

始安張鳴鳳校
新安方尚質校

七言律詩九十三首

河北道中

時應試北上

朔風寒擁鷓鴣裘歲晚遙從計吏遊
赤縣五雲開北極黃河萬里割中州
關山立馬天逾遠雨雪聽鴻夜未休
大道縱橫車騎客何人先借漢宮籌

退朝逢徐子與宗子相與之論詩作

三月長安花滿城五陵裘馬少年行
逡巡東帶趨華省寂寞揮毫賦帝京
御氣高從三殿合香煙細結

五雲生漢家此日論詞賦楊馬何當更擅名

寄懷兩兄

帝輦韶光百萬家承恩薄采禁園花無端客夢關
山遶怪底鄉書道路賒
賒官此身真似葉思歸千里
劇如麻慙慙尺素緘雙淚極目衡陽鴈影斜

高伯宗徐子與魏順甫宗子相見過同元乘小

集分得春字

朝回繫馬玉河濱
貫酒邀歡莫厭貧
九陌風沙燕市
客千門楊柳漢宮春
論交轉向愁邊定
索句都從醉
後新涼月滿空
留笑語明朝岐路好誰親

邊警

頻年虜馬聚河源入夜烽煙度薊門招募已空三輔
士亂離無復百家村邊聲忽下書生淚秋氣先銷戍
客魂劔騎翩翩歌出塞漢庭諸將又承恩

庚戌秋日紀事五首

八月燕山朔氣高胡風吹雪滿征袍邊關一夜傳烽
火畿輔千家過釋騷 御殿初聞朝議集

是日上始視朝集羣

臣決策退虜

還宮誰解

聖心勞

上自西苑還大內

登城忽覩腥

膾氣直似奔騰漲海濤

其二

胡馬長驅薄

帝畿西山獵火照彤闈勤王吏士營

高壘

楊中丞推中山兵入衛

討虜將軍伏大旂

仇帥擁雲中兵出勦虎豹

九關長日閉貔貅萬竈幾時歸定知帷幄紆長策不遣儒生浪是非

其三

將相交歡自一時 聖朝威福豈全私當關已盡吞
胡氣壓境猶稱入貢期塞外蒙駝燕士女林間烏鵲
漢旌麾郊原入夜號新鬼卻恨軍前插羽遲

其四

漁陽鼙鼓動神京大將重開細柳營錫命時時三殿

下烽煙夜夜七陵驚芙蓉劒口星文亂霹靂車前殺
氣橫解道陰符能破虜陣雲偏自竹宮生
時用方士
遺陰兵破
虜

其五

天威赫赫震離宮極目郊關萬室空整旅未申司馬
法捷書頻請貳師功玉門關險無傳檄武庫兵陳已
掛弓
時職方請發武庫兵器而司庫者坐
索千金而後發比發則虜得意去矣自是漢家
饒王氣諸陵依舊朔雲中

家至

亂後村村哭未休南雲北雪總鄉愁家從白骨林邊

過客似黃龍戍外留細雨寒燈孤館夕西風殘菊五
陵秋相逢悲喜魂初定呼取樽醪強自酬

賦得雙塔寺

石塔參差御苑西凌空雙鴈識招提梵鈴風起聲相
激仙掌雲分勢欲齊似引飛鳧朝帝闕豈煩鳴馬
護禪棲長安落日馳車騎何處逢人路不迷

送梁公實謝病歸南海二首

旅懷蕭瑟與君同卻羨凌雲賦獨工七子名高慚季
重五噫歌罷失梁鴻歸舟載月行天畔仙嶠憑虛立
蜃中海上安期如可問定騎黃鶴御長風

其二

潞河新雨動微涼
越客歸帆帶夕陽
無奈茂陵常臥
病非關揚子薄爲郎
三邊斥埃驚蓬鬢
五嶺煙霞護
草堂岐路未堪論
後會斗邊龍氣遠相望

送李司封隆仲謫兩淮運判

扁舟八月下維揚
遷客愁心江水長
世事總堪悲賈
誼郎官空復老馮
唐邊城雨急關山黑
淮浦秋生橘
柚黃到日且題招隱賦
昔時藜桂未應荒

登毘盧閣

香臺縹緲百輪盤
燕代山河入倚欄
仙梵忽從天上

落貝經疑在斗邊看晴光隱見千巖碧秋氣蕭森萬
木丹直北煙塵殊未息何當高枕法雲端

中秋夜同徐子與飲李丁鱗宅得秋字

昔人誇御李君遊意氣何如此夜投雨後關山仍見
月天邊風物已深秋丹楓萬井悲搖落白雪孤弦任
滯留尚有黑貂堪問酒百杯同散古今愁

弘法寺登臺同于鱗子與賦

招遊更上遠公壇萬里風沙涕淚看碣石東來分易
水海天西盡出臯蘭雲生紺殿秋陰合雨過丹梯日
影寒烽火頻年空倚劔鄉關何處此凭欄

冬夜懷梁公實

搔首空庭夜寂寥故人相憶嶺南遙
非緣白眼能違世自抱青霞遂懶朝
別後關山經雨雪歸來踪跡混
漁樵浮雲彷彿羅浮影萬里冥鴻不可招

香山最高亭有懷于鱗子與

丹梯百折上青冥檻外諸天散翠屏
兩塔煙花迷下界千山雪色照空亭
金臺北控凌承露寶地西環擁建瓴
日暮振衣人不見飄飄僊枕共誰聽

退朝望西山霽雪同于鱗子與順甫作

朝罷千官散紫宸天街竝馬物華新
晴雲乍啓燕山

唐詩卷之三
曙積雪遙迴漢苑春
合殿香煙浮御氣
五陵寒色淨車塵
偶從仙吏聞高曲
屬和翻慙郢上人

送孫侍御明德按秦中

乘驄使者下幽燕
萬里函關玉節懸
抗疏已聞匡漢策
感時應著過秦篇
王師六月仍飛檄
客路千山此別筵
西土只今堪涕淚
何時入對未央前

送黎惟敬下第還南海

上苑名花空復開
憐君萬里上書回
引商虛負陽春調
叩角偏增長夜哀
陌上垂楊窺短褐
墟頭落日送深杯
歸與且傍羅浮臥
不必人傳作賦才

潞河舟夜聽梁思伯彈琴

海門涼月繫孤舟，越客橫琴鼓素秋。
促節似驚魚出聽，揮弦復作鳳相求。
雲間度曲偏清夜，世上知音總白頭。
況是思歸心萬里，燕山落木迥堪愁。

舟夜懷子與

今古詞場有代興，相看何意獨飛騰。
扁舟自去浮湘水，多病常懷臥茂陵。
秋湛漢宮金掌露，月明滄海玉壺冰。
思君不見過吳會，天目峯頭誰共登。

張良廟

空山遺像儼留侯，父老猶傳借漢籌。
帷幄幾年黃石

唐詩 卷之三
略雲霞千載赤松遊巖前地截彭城險仗外天橫泗
水流楚漢已非形勝在白雲懷古不勝秋

寄薛思素比部

金陵蹢躅 帝王州越客蹉跎賦遠遊萬里風吹江
浦月五湖煙接敬亭秋謾嗟長劍逢人晚不惜明珠
向爾投隔歲音書渾未得黃塵赤日總深愁

維揚遇王元美泛舟夜酌

使者吳門擁節回一帆秋雨廣陵來天河漸向歌前
落樽酒猶疑夢裏開多病旅人偏氣色他時詞客半
蒿萊明朝鷁首江南北落木蕭蕭渚鴈哀

同元美登蕪城閣得秋字

隋隄高閣俯邗溝，載酒歡同賦客遊。
樹裏鐘聲山寺午，簷前雨色海門秋。
離宮花鳥都陳迹，輦道風沙自古丘。
二十四橋何處是，且乘明月醉揚州。

瓜洲阻風望金焦山

秣陵東下海天孤，入望金焦忽有無。
高浪欲吞雙底柱，巨靈常護兩浮圖。
龍宮日出交相射，鷲嶺雲蟠竝可呼。
鐵甕城頭風汛惡，那能咫尺御飛鳧。

姑蘇懷古

欲上蘇臺望五湖，虛傳詞客賦吳都。
祇今佳麗稱名

郡終古山川想霸圖風雨胥濤寒自落兔猿娃館夜
相呼百花洲上被蓑者不問陰晴只釣鱸

虎丘寺同彭孔加王敬美登覽二首

雲巖古刹瞰江流江左名山此最幽五色花分龍作
樹千僧石踞虎爲丘闔閭舊事馮誰叩風雨深杯款
白留勝賞何緣逢二妙磨厓好與記同遊

其二

法門西望古蘇臺白石清江一線迴王氣已隨神劍
化浮雲虛訝錦帆來卽看鹿苑多靈曜不信龍池有
劫灰竹脯麪牲聊共飽天花無數雨中開

虎丘別孔加敬美

空山蕭瑟雨氤氳
清梵遙從天上聞
病後登臨渾不倦
望中吳越渺難分
江帆片片浮香霧
海樹重重護法雲
此地相逢如夢幻
五湖秋色悵離羣

次嘉興卽事

津亭落日繫蘭橈
構李城臨海國遙
百里魚鹽長水市
萬家煙雨瑞虹橋
青樓越女歌相屬
白紵吳兒舞自驕
最是江南佳麗地
可憐機杼日蕭條

八月十八日浙江樓觀潮

浙江樓望浙江潮
八月長風海若驕
萬馬蹴濤驚地

唐詩卷之三
軸千鯨噴沫撼星杓天連巨浸疑相盪雪捲重山忽
自消却怪賈帆空際落翩如六翮下扶搖

重遊西湖

肩輿露冕出深松湖上看山背厭重金碧波間千佛
剎鬱蒼天外兩高峯酒船歌舞縱橫入沙磧鳧鷖斷
續逢縱飲遲廻江月落萬家燈火傍疎鐘

夜泊星渚有作簡劉汝欽使君

月上匡廬照客舟坐憐星石在中流倒從水鏡窺河
漢直擬仙槎犯斗牛長孺憂時仍臥閣仲宣懷土倦
登樓秋深掛席滄江遠總有明珠何處投

夜遊鳳棲洞

丹梯攀梯倚雲端，復磴逶迤瞰碧湍。
聞笛夜深疑鳳下，放歌天靜起龍蟠。
洞中秉燭霞光爛，石上寒蘿月色寒。
應是當年避秦處，桃花不向武陵看。

登黃鶴樓

黃鶴仙人去不回，漢濱樓閣迥崔嵬。
千帆雨色當窗過，萬里江聲動地來。
雲夢天低湘女怨，洞庭葉下楚臣哀。
當時玉笛今寒落，獨有梅花泛客杯。

席上奉酬朱宗伯

劍佩從容出，帝闈松蘿間。
寂詠衡門看，花未倦東

山嶺入竹頻移北海樽
漢主賜環猶日月楚江高
枕自乾坤書生豈是忘年友
倚席跼跼握手論

舟次赤壁別家兒

北風何意攬征裘無奈浮生寄遠遊
江湧亂雲蒸赤壁客乘䟽雨過黃州
樽前涕淚三湘暮別後音書九塞秋
我向燕臺望鄉國飛鴻落木使人愁

過順德飲李于鱗郡齋得難字

馬度洛州殺氣殘逢君落日且留歡
邢臺徙倚黃雲過楚客悲歌白雪寒
萬里雄心摧說劍千秋傲骨強
彈冠清樽一解風塵色握手相憐行路難

寄熊元乘

憐君多病歷諸艱
漂泊東吳尚未還
萬里鄉書離亂後
百年勲業是非間
兵戈豈藉儒臣力
歲月能銷壯士顏
金馬陸沈吾已厭
幾時同訪鹿門山

奉寄二叔明府

傲吏歸來已十年
貧家真藉素風傳
聲名豈在山濤下
矍鑠還當馬援先
髮短江湖惟業白
身藏天地獨思玄
却憐遊子仍羈宦
虛羨林中阮氏賢

送熊進士履道赴新會令

楚客之官五嶺遙
兵戈滿眼別魂銷
孤帆曉發湘江

雨高閣秋凭越海潮同學故人誰鮑叔殊方仙令獨
王喬何當一洗鯨鯢盡聽汝琴聲徹九霄

東謝茂秦

問君漂泊意何如海內兵戈滯卜居鄴下爭傳王粲
賦燕關更射魯連書不知鬢髮窮來短只怪交遊病
後疎意氣看君逾玩世王門肯復曳長裾

送屠侍御宗豫赴金陵

漢闕新恩繡斧回海門秋色片帆開天高王氣分牛
渚地迴江流抱鳳臺六代煙花行部盡中原烽火按
章來時平更擬三都賦年少誰如東箭才

余德甫席上餞別子與同茂秦元美賦得開字
有客將歸思轉哀乾坤慘澹一銜杯相逢燕市悲歌
侶不減河梁賦別才秋色薊城雙劍合月明茗水片
帆來吳中父老驚相慰亂後猶能畫錦回

與茂秦夜酌

搖落偏銷楚客魂逢君莫惜夜傾樽無端世事驚心
過乍可親交促膝論萬里秋陰連絕塞千山明月敞
中原酒闌燕市悲歌發誰不含愁向故園

送蔡憲使子木還任蜀中

西去重歌蜀道難薊門樽酒暫留權行邊霜葉巴江

幕戰後秋雲楚峽寒父老向傳司馬檄風塵猶滯惠
文冠逢君欲握明珠贈世路還同燕石看

聞吳中寇亂寄訊徐明叔司勳張子培明府

憶君愁病出長安盜滿三吳辟地難徐孺榻懸風雨
過張華劔倚斗牛看千家痛哭秋聲亂百戰縱橫海
色寒此日寸心應折盡何時尺牘慰加餐

贈李實夫比部使北平諸郡因歸閩中省太夫
人

海國知名最少年清時共獻帝京篇風雲過客論
心少歲月逢君握手偏仗節曉臨三輔道掛帆秋盡

七閩天倚門此日遙相憶肯使潘輿賦獨傳

陳憲卿張子畏見過時憲卿謁陵子畏使齊初
至卽席得開字

旅館清樽傍菊開故人相見重徘徊西山露冕諸陵
遍東海星槎八月回執戟竝棲蘭省署賦詩重上柏
梁臺向來無限悲秋意聽爾談兵轉自哀

送李侍御于翔按雲中

聖主宵衣北顧頻簡書親授殿中臣胡笳暮咽三城
戍漢節秋清九塞塵行部青驄飛雨雪匡時白筆動
星辰疆場何日銷金甲草疏應知涕滿巾

省中曉直

掖署含香夜未闌
漢家宮闕慶雲蟠
日華漸吐雙龍曙
霜氣高凌五鳳寒
漫是文章能補袞
不妨留滯且彈冠
可憐天上金莖色
常似相如病後看

送劉子成兵備黔陽

幾載談天碣石宮
蒼茫擁節向黔中
金城共識艱危策
銅柱還標戰伐功
七澤春深飛彩鷁
百蠻天盡躍花驄
征旗欲發離歌斷
易水寒生萬里風

欽子辰張子培白伯倫夜過小集

乘興何須折簡來
虛堂秉燭信徘徊
鄉心共逼燕山

暮世事難醒楚客哀但使故人能識曲不妨生理寄
銜杯千金自惜同圖駿蹇拙予慚郭隗才

送田戶曹子仁赴潯陽榷稅

共識田郎題柱才新持使節下燕臺落帆春色匡廬
盡虛閣濤聲江漢來天地戰塵今漸清東南民力久
堪哀吾家最近潯陽渚何得扁舟趁爾回

寓直卽事兼呈兩省諸君

中禁逶迤白玉堂爲儒忝藉紫薇郎仙班喜挹天顏
近掖署平臨閣道長裁詔日高金狄掌賜衣雲襲御
爐香夔龍事業諸君在清世能容曼倩狂

至日早朝

燕谷陽春七日回，漢宮仙仗五雲開。
翠華縹緲中天轉，紫氣氤氳北極來。
端笏尚隨門下省，揮毫忝侍柏梁臺。
不知繡線添何許，歲月深慚補袞才。

寄上司馬王先生時總戎代郡奏捷

吳越風塵未偃戈，詔平驕虜向金河。
主恩急難推輪重，宦跡孤危仗鉞多。
地險白登開幕府，天清紫塞入饒歌。
漢家將相銘功早，終古燕然共不磨。

問劉方回病

憐君歸計尚蹉跎，日臥文園憶薜蘿。
白髮西風生枕

席彩衣南國滯兵戈遂令高興樽前少翻得新詩病
裏多客舍歲寒愁共劇更堪燕市起悲歌

歲暮懷李于鱗

時守順德

千里思君又歲寒病來真自厭彈冠藏書未遂名山
去混跡其如末路難臥治白雲生郡閣酣歌明月滿
長安塵中車馬紛相索那得逢人青眼看

懷徐子與

時在告

十月驅車出帝州北風吹雪滿征裘悲歌送遠千
楓落短髮還家四壁愁拙宦祗應懷楚璧逢人莫漫
解吳鉤稍聞烽火侵茗雪何處青山問釣舟

懷梁公實

時在告

黃鳥題詩問友生，別來無奈倦遊情。
經年庾嶺音書斷，永夜燕山鼓角驚。
夢裏五雲寒玉筍，病中雙露濕金莖。
采蒲虹澗逢仙去，應笑馮唐老漢京。

懷宗子相

時在告

為郎幾月歎歸與，淮海維揚一敝廬。
多病相如思倦免，二毛潘岳愛閒居。
江湖極目戎衣滿，京國論心酒伴疎。
稍喜巨源能厭世，未須重擬絕交書。

懷魏順甫

時宅憂

爾過中原正鼓鼙，故園搖落思淒淒。
洞庭水澗鴈南

下山縣城荒鳥夜啼抱璞豈同和氏泣問津時向武陵迷庾隄楊柳春應早萬里鄉書隔歲題

歲暮示元美

驅馬紅塵歲月遷和歌常在酒壚邊浮名雙眼從人過狂態千秋幸汝憐自是吳門飛白練豈應清廟絕朱絃憑誰更誚揚生苦持戟歸來更草玄

元日早朝

九陌珂聲夜未央西山春色曉微茫三公進壁星辰近天子垂衣日月光雪淨蓬萊生紫氣雲開睥睨見青陽何人更擬椒花頌擗管羞稱著作郎

送劉方回武庫還楚

羨爾乘輅歸興濃還如司馬過臨邛邊聲未破樽前
滄春色殊憐病後容山閣倚雲開下雉江濤飛雪捲
黃龍故園風物爭相媚屈宋千秋何處逢

晚出長安門望西山

染翰承明視草回西山天畔夕陽開紅塵總廢登臨
興金馬常慙侍從才鳥外峯陰蟠脚睨雨餘霞色照
蓬萊歸鴻矯首情無極戍角城烏且莫哀

初拜給事

幾年中秘隱微官未解逢人飾羽翰雙管夜趨青瑣

拜五雲朝隔紫微看
君恩敢謂縣轡晚
國計深憂借箸難
爲憶漢庭劉子政
經傳千古壯心寒

送許殿卿調永寧同殷太史賦

念爾彈冠已白頭
途窮復作夜郎流
文章治郡名應損
涕淚談兵意未休
紫氣寒浮孤劍夕
瘴煙晴擁七盤秋
昔人此地標銅柱
好向蹉跎賦壯遊

七夕張肖甫至同諸子邀集旅舍

天轉銀河北極迴
星橋露掌竝崔嵬
何年漢使乘槎去
此夕緱山跨鶴來
明月萬家機杼恨
黃雲四塞鼓鼙哀
相憐客路雙愁眼
又見秋風桂樹開

徐明叔至自吳

幾年舟楫滯江湖，燕市重逢意氣孤。
一臥風雲寒大澤，屢驚麋鹿走姑蘇。
衣冠亂後心逾薄，烽火書來淚欲枯。
西掖梧桐搖落盡，憐君弱羽自哀呼。

子相元美過訪

乘興何妨數見過，論才天地兩生多。
漢京消渴無同病，燕市佯狂有和歌。
雙缺暮雲雄睥睨，一樽秋雨散藤蘿。
酒闌起舞傷心切，南北烽煙劇枕戈。

秋日卽事簡楊翼少省長

瑣闥平開苑樹陰，禁城風物亦蕭森。
黃金世路艱危

重白髮 君恩侍從深
百戰誰論司馬法
千秋未折史魚心
亂離空有歸歎
歎故國尊鱸不可尋

秋夕齋居示子相元美

風飄月色蕩平沙
萬戶陰森苑樹斜
銀漢倒流雙鳳闕
彩雲深駐六龍車
寒城吹笛秋無奈
列署焚香夜不譁
爲問誰歌清廟曲
忽令飛雪滿天涯

送張肖甫戶曹使閩粵督租便道過蜀二首

賦別寧辭倒玉壺
秋風戈甲滿長途
殊方延頸垂哀痛
計吏傷心問轉輸
瘴合閩江帆影失
天垂庾嶺鴈行孤
看君羽翼南溟近
肯爲浮雲屈壯圖

其二

薊門飛羽日紛紛搖落何堪遠送君
行路風塵滄海盡還家春色錦江分
張騫復作乘槎使司馬親題論
蜀文謾向巴人歌白雪恐令巫峽起寒雲

與子相對月得人字

楚客銜杯寄隱淪不辭多病臥風塵
孤城白露標蒼掌萬里明河倒桂輪
寒色遠隨烽燧入物華虛遺鬢
毛新關山回首悲搖落此夕猶堪對故人

奉寄明府二叔

京洛當年一掛冠壯心虛向畏途寒
歸來松菊杯堪

把老去兵戈枕未安三峽暮雲停賦筆九江秋色起
漁竿玄才此日慚無補那得飛書折屐看

子與至同子相元美夜集得看字

自君持節下長安明月常同遠燧看乍喜兵戈仍見
面豈緣衣食更彈冠青楓落盡乾坤暮白雪歌來海
嶽寒道路逢人俱慘澹未妨茲夕酒杯寬

送謝戶曹仲南使江西督餉

燕關風雪羽書馳漢使艱難領度支馬上千山揮淚
別江南萬戶察眉知春寒蠶澤魚龍臥日暮瀟湘鴻
鴈遲過里若逢朋舊問爲言潘鬢已如絲

小至齋居

星斗垂垂夜可憐
衣冠雍肅候祈年
陽生碣石春容緩
雪滿燕山臘意妍
龍氣只隨雙輦下
鳳聲常繞六宮前
漢家秦時還千古
未信楊雄賦獨傳

至日同諸子集得聲字

獻履星河轉玉衡
退朝雲色霽金莖
宮中仙律吹寒盡
陌上初陽犯雪生
短髮似能諳物理
清樽莫遣誤時名
楚江寥落梅花使
日暮誰家長笛聲

送王元治秀才歸吳門

彩筆翩翩江左才
清樽落日薊門開
風塵是處陵陽

淚戎馬頻年庾信哀遂擬生涯供五嶽羞將名字動
三台尊鱸故地今存否悵指南雲歸去來

寄俞仲蔚

俞生吳人也工五言古體詩予昔道吳移舟
訪之不值

一出新詩海內名鶉衣甘老闔閭城往時虛盡乘舟
興異地長懸倒屣情娃館笙歌春寂寞姑蘇麋鹿晝
縱橫斗間紫氣遙相望中夜吳刀慄未平

聞于鱗上計且至病中作此遲之

聞君五馬渡滹沱相望檐帷雨雪過獻壁親承天

子問賜金誰似大夫多書來已判呼盧醉病起猶堪
擊劒歌此地重逢關象緯不禁寒色掩鳴珂

于鱗至

畫熊遙自大行來百折風塵意未摧憐我二毛經病
長逢君雙眼辟人閒銜杯霽雪燕山出揮翰春雲碣
石廻何事倦遊今轉甚漢庭聞薦馬卿才

席上贈別于鱗得疑字

翩翩五馬控金羈春色河梁別故遲北極浮雲迺攬
轡中原落日駐題詩星辰又傍孤城臥海嶽逾深末
路悲我欲期君秦洞裏烽煙桃水盡堪疑

哀鄭信陽

何人揮涕暮雲邊
虛向江湖問鄭玄
江左衣冠清白
世湖南風雨孝廉
船延陵劍失生前
許揚子經知死
後傳一臥泉臺更
宿草秋陰無處
不堪憐

甌甌洞藁卷之二十一

武昌吳國倫著

始安張鳴鳳校
新安方尚賢校

七言律詩九十一首

初春感懷

柏葉椒花媚早春他鄉物色醉相親
燕中寂寞談天客馬首縱橫行路人
敢有微言迴日月未堪多病久風塵
愁聞使者三川疏何處名山托此身

呈御史大夫王先生時總戎薊遼

萬里胡峯插薊門
祁連不斷羽書繁
風雲驟擁王師出
日月常扶帝輦尊
遂有聲名懸碣石
卽看兵甲

洗河源邊塵未老元戎鬢劍履歸來是漢恩

予有豫章之謫徐宗二子攜黎惟敬過訪席間

賦得沙字

大江西去楚天涯此日孤舟異漢槎
帝里春光沈雨雪客程秋水上兼葭
故人卮酒驚相問一別風塵遠自嗟
宣室祗今羣從滿未應前席待長沙

留別子相

自得銜杯賦上林誰從車馬問知音
風塵漸老窮途色去住相悲異代心
滄海片帆飛暮雨薊門三月望秋陰
思君畏向淮南過桂樹蕭蕭祗自吟

寄別元美

自爾驅車塞上行，天涯卮酒異平生。
卽看一夜風濤色，何損千秋日月明。
微祿暫甘彭澤臥，短衣應老鹿門耕。
扁舟湖上如相訪，未必鴟夷是姓名。

酬徐明叔

楚客何曾識路難，感時羞自泣南冠。
平生杯酒青雲薄，此去江湖白日寒。
宦拙非緣明主棄，心違常藉故人看。
猶餘萬里南冥意，莫向蓬蒿惜羽翰。

別劉方回

樽酒他鄉別思偏，春陰蕭瑟薊門天。
江湖淚滿論才

後風雨魂銷去國前清世未慚漁父問微名翻畏衆
人憐緜袍猶有君相戀莫使音書隔歲傳

寄元美塞上

王郎別我未銷魂六傳飛揚出薊門鼓角秋聲迴地
軸佩刀寒色照天關馬肥首著黃金勒客醉葡萄白
玉樽回首中原風雨過不知揮涕向誰論

夜泊天津懷子相

張翰秋風去不疑桂叢猶滯故人期平蕪日落千帆
宿大漠天高片月垂潮起魚龍吟北海露寒鳥鵲噪
南枝長安未少衣冠地此夕誰論楚客悲

留別于鱗

阮籍窮途哭漸遙未妨樽酒故人招文章豈自諳時
命放逐真成負 聖朝落日佩刀迴黯澹秋風團扇
掩蕭條茫茫後會兵戈裏不待臨岐魂已銷

送子與

樓船使者下黃河疊鼓揚旗發棹歌此別未應滄海
變相思無奈白雲何樽前落日千楊柳夢裏深山蒲
薜蘿岐路不禁遊子淚乾坤處處有兵戈

歌風臺

何年衣錦 帝鄉回父老猶傳故漢臺寶劍獨留千

唐書卷之二十一
古色赤符曾擁萬靈來沛宮卮酒歡相屬芒碭星辰
黯不開欲問楚歌誰更聽大風蕭瑟使人哀

黃河舟中送黎惟敬還南海

握手輕分李郭舟寒濤六月漭生秋風吹華髮乾坤
短天坼黃河日夜流逐客去應吟澤畔故人歸復臥
羅浮請看前路兵戈滿杯酒難論此別愁

登境山

登臨何處可忘歸天畔黃河遶翠微落日倒銜危石
照浮雲低逐亂帆飛山川對酒心仍壯楚漢興亡事
已非錯擬蘇門舒一嘯不禁秋色灑人衣

徐州觀兵

時趙尚書禮師

上將樓船截海行
天兵十萬過彭城
吳雲晝擁黃金甲
漢日秋懸白馬盟
幕下材官俱慷慨
江間羣寇尚縱橫
無令千載征南使
只數銅標馬援名

登廬州城樓

落日登樓感慨生
遠山迴合太湖平
中原萬事過懷土
北極孤雲入望京
星斗晝寒廬子岡
烽煙秋滿白公城
可憐十郡瘡痍地
入夜飛書更募兵

宿真慧寺

蒲師真境萬峯藏
曲逕扶攜到上方
山殿斷雲開十

地澗泉飛雪灑三湘金身不逐風塵改玉鏡平臨日
月光我自征途多病客暫應移榻傍醫王

秋日問范別駕病

千村落日照孤城樹裏高齋雨氣清不少青山堪對
酒其如滄海更論兵一官漸改憂時鬢萬事俱違臥
閣情只怪蓴鱸思轉切秋風蕭瑟楚江聲

奉酬少宗伯朱公見訊

被髮行吟意惘然十年雙淚盡憂天蒼生未穩東山
臥狂客猶堪北海憐事去青雲迷漢苑書來白雪滿
湘川思君入夜西風急溪上應吹訪戴船

公有約泛舟見訪

登滕王閣

崔嵬古閣大江頭，病起登臨屬暮秋。
窻際白雲吳楚合，波間赤日古今流。
山川不盡孤臣淚，歌舞曾聞帝子遊。
萬里烽煙迷北望，還如王粲在荊州。

再上滕王閣有懷于鱗元美子相子與

高閣重登秋欲殘，南州風物盡凭欄。
空江不斷西山影，紫氣猶冲北斗寒。
遷客形容愁對酒，故人消息畏彈冠。
中原未少論心地，不定浮雲何處看。

與友人登東湖樓

湖上飛樓切絳河，登臨無奈旅愁多。
風塵片地容攜

手景物千秋起放歌左蠶寒濤當檻落西山疎雨近
人過惟應漢主憐詞賦不遣孤臣到汨羅

同楊啓元大行飲滕王閣

乘興江樓倚夕暉一樽常與世人違雲銜百堞窓中
吐浪蹴千帆樹杪飛北斗故懸遷客淚西風欲上使
臣衣浮雲萬態君知否莫怪登臨醉不歸

酬宗良王孫

高館論文星斗迴還如司馬兎園來兵戈王室憂同
姓詞賦名山縱異才九月天寒雲夢澤萬楓秋老豫
章臺逢君不下思鄉淚屈指中原事事哀

送夏廷瞻給舍謫嶺南從事

與君同舍復同流，媿不如君借漢籌。
去國雲迷青瑣闥，逢人霜滿黑貂裘。
江州自可容司馬，賈詵何曾負絳侯。
莫向羅浮誇吏隱，萬方多難總堪憂。

希舜池亭宴集

灼灼芙蓉繫艇深，竹欄松逕故陰陰。
問津疑失桃花水，招隱堪同桂樹林。
石上暝雲留醉臥，杖頭殘月起行吟。
笙歌夜促飛觴急，萬里明河倚席沈。

過同伯別館

白雲高館寄城闔，麗石雕欄瞰水濱。
竹裏停驂寧問

主松間舞鶴解迎人著書劉向今誰識作賦相如晚
見親斗酒未應妨世路西來山色迴嶙峋

鄱陽湖二首

欲向匡廬臥白雲宮亭水色畫氤氳千山日射魚龍
窟萬里霜寒鴈鷺羣浪擁帆檣天際亂星蟠吳楚鏡
中分東南歲暮仍鼙鼓莫遣孤舟逐客聞

其二

蠡澤雲深楚地偏 高皇曾自將樓船風濤百折周
師壯湖海千秋禹貢全日暮漁人瞻殺氣天陰戰鬼
哭寒煙孤臣畏擊中流楫指點康郎涕泗懸

歲暮言懷

銅駝金馬少年遊一失君恩遂白頭
虛擬賈生還漢室將從孺子臥
南州扁舟湖海心難繫百戰乾坤
淚未收歲暮匡山深雨雪著書寧
得慰窮愁

答樹德雪中見懷

一別章臺朔氣侵盈盈秋水故人心
貂裘季子寒仍藉絛扇班姬遠自吟
書到陽春回黍谷興來風雪擬山陰
江行不辨廬峯色欲寄梅花何處尋

答用晦

傳書使者雪室來錦字寒當石鏡開
懷土自憐江上

客論文誰似鄴中才雲深白鹿支願過日落玄猿伏
枕哀爲喜王孫芳草約春風攜醉豫章臺

章江送李廷良太史還京

大江風浪蹴天迴何處仙槎奉使來一別煙塵侵短
髮相逢花鳥助深杯劍懸紫氣分南斗佩挽春雲入
上台聞道采風藏祕室詞名誰數柏梁臺

豐城道中

春風芳草遍南州病起猶能賦壯遊落日羣山青不
斷晴雲高樹碧俱流愁干象緯深憑劍故狎江湖遠
泛舟萬事祇今成浪迹明珠何用暗相投

臨江郊望

西來贛水遠提封古木疎村暝霧重都尉城空愁燕
雀太平江冷臥魚龍自緣衣食妨歸計甘向風塵老
病容玉筇僊人今不返好乘明月嘯諸峯

春日凌塗二少叅攜酒邀泛章江

去國猶逢二大夫誰云遷謫是窮途樓船截浦遊偏
壯斗酒看春興不孤賦裏青山移日月歌來白雪滿
江湖灌嬰城上烏棲盡更有輕舸送玉壺

舟泊下雒與莊則勸司益甫言別

下雒城南春草平辭家復作豫章行紅塵蔽屣非吾

計白首綈袍見爾情野樹連雲歸鳥息江風吹雨亂
山鳴沙頭貫酒深相勸莫使離歌變徵聲

南康城樓

湖上冥冥雨氣殘異鄉風物此樓看簷垂晚照低平
野帆掛春雲度急湍峯色遠攜遷客醉鴈聲清落九
江寒關山南北俱戎馬何處煙霞穩釣竿

送宋望之侍御還京

颯颯西風彭蠡鳴仙舟落日繫孤城論心轉畏清樽
盡赴國寧辭白髮生涕淚兵戈千古事狎狂湖海衆
人情向來寶劒秋虹吐莫使長安避馬行

登豫章城南寺塔

古塔峻嶒萬象蟠
西山如鷲捧危欄
扶筇漸與彌天近
引筏新知覺路寬
雙樹影迴平野暮
百鈴聲徹大江寒
毫光夜夜凌無極
併作南州斗氣看

開先寺作

寺在雙劍峯下梁昭明讀書臺故址

飛來雙劍卓諸天
寶座空王霄漢懸
草樹已深梁殿閣
風雲常護楚山川
松梢急峽翻晴雪
塔外平林起暮煙
倚醉登臺僧莫厭
太湖春色望中偏

陶尚書邀遊開先寺

自投簪紱下承明
樽酒看山鹿馭輕
載客遠隨松徑

入尋僧深叩石門行春衣翠滴諸峯色夕磬清流萬壑聲梵殿書臺零落盡君家五柳獨含情

凌虛閣

在天池寺西

岿崑梵閣摩青冥萬壑千巖蟠巨靈塔下微雲蔽三楚塔前白石羅羣星蛟龍奮甲去作雨猿鳥銜花來聽經面面芙蓉摘不盡惟應此地堪常醒

喜桑侍御雨中登山見訪

夜宿天池色界寒朝來風雨暗層巒崖間石滑愁藜杖樹裏煙重礙籜冠萬壑鐘迎仙客至九江春到法門看陶潛不入東林社尚有清樽興未拚

佛手巖

佛手從空覆翠微
參差峯色競相輝
僧巢石室雲爲
臥客過巖泉雪滿衣
金粟朗披千界出
寶花寒墮九
江飛憑誰莫怪登臨癖
一入名山悟息機

送寇方伯赴浙江

樓船東下武林城
吳越山川識舊名
嶽牧主恩存
歷試江湖宦跡見
平生頻年斥埃仍
增賦六月瘡痍
未問耕父老
只今能借寇
豈應羣盜尚縱橫

蘇司理應召北上

澤國秋風匹馬回
徵書遙下建章來
從容冠蓋論心

地慷慨兵戈借箸才雙劍已看離楚獄千金猶自重
燕臺君今勿復憂行路聞道平津閣又開

章城卽事呈王憲使新甫

江城落日鼓笳催署閣蕭條從事來僅有山川供伏
枕敢勞車馬問街杯途窮國士逢何晚天遠波臣泣
白哀燕雀不須愁棟宇君今手植豫章材

哭吳星子詩有引

癸丑之秋取道星子適明府初至遊予五老
之下醉焉又三年予俟罪來明府尚未得調
予亦善遇之無何明府且死蓋不勝其悲矣

因爲是詩

湖上停舟憶昔年清樽攜醉五峯前可憐地主重逢
好何事山靈一病捐彭蠡浪寒星竝落延陵道阻劍
空懸長沙逐客仍持酒爲爾翻傷鵬鳥篇

歐陽文學訪予匡山

揚瀾東下白雲流此地堪停李郭舟鴈後故人南北
淚樽前落日古今愁十年湖海留長鋏八月風霜上
敝裘爲問壯心曾似昔肯同司馬醉江州

寄贈劉宗之先生時督學楚中

曾將樓船破綠林還移絳帳擁青衿論才當世誰文

武化裕三巴自古今木落洞庭湘客賦夜寒宣室楚
臣心稍聞車馬觀風地郢上重歌白雪音

王新甫督學枉駕白鹿洞諸生從者二百人

石逕逶迤到使君南州多士集如雲雷鳴大壑蛟龍
奮霧隱深山鹿豕羣野服松間行弔古胡牀溪上坐
論文卽看五老中天起列室諸峯次第分

泊左蠡卽事

左蠡揚瀾一繫舟廬峯九疊障寒流魚龍跋浪千帆
暮蘆荻迎風夾岸秋明月關山懸故國遠天烽火照
神州沙頭小吏私相慰束帶無須抗督郵

暮秋

九月山城菊未花，獨持樽酒傍煙霞。
五峯縹緲匡君宅，三逕荒蕪陶令家。
逐客已甘成土木，逢人那敢問京華。
醉來欲遣傷秋思，落日西風起暮笳。

建昌公館

峯前落日映疎村，樹裏雙流遶縣門。
諸道衣冠曾問俗，幾家煙火倍銷魂。
寒雲漠漠當廬阜，秋草離離自海昏。
多難轉堪悲物役，強攜明月慰開樽。

徐子與奉命讞獄江南，旋擢汀州守，悵然有

寄

黃河卮酒別徐卿六月江淮戰鼓鳴佩劍風塵千古
色緋袍湖海衆人情稍聞江左金雞釋不道甌南竹
馬迎此日君恩難可測憐才猶得寄專城

元日劉志仁使君郡齋同李實夫郎中讌集

元日高齋興未孤相看只惜歲華徂匡山此會春如
約楚客當歌病欲無日上千門開鬱壘雲移五老泛
屠蘇甘泉侍從今陳迹虛擬登臺望帝都

二日李實夫見過同劉使君賦

使者重停白玉鞍空齋何以結君歡探春不厭深持
酒得句相矜倒著冠病起滄江南鴈度夢回青瑣北

星寒論交十載俱霜鬢莫向樽前攬鏡看

豫章逢嚴州吳博士

江城風雪繫孤舟把酒看君意未休解綬已同張翰
去辭家復作向平遊兵戈舊業俱塵眼詞賦新知總
白頭桐水釣臺千古事客星今不照羊裘

生生泉爲翁方伯賦有引

泉在上饒官署中蓋公爲法曹獄時鑿也
其年郡大疫而公適至使人瀆是泉爲井持
以飲病者病者立愈其所蘇活甚衆故名生

生云

憶昔爲郎擁使車金雞十載 帝恩餘靈泉噴雪來
仙署爽氣成雲薄太虛東海煩冤應盡洗茂林消渴
頓能除祗今飛沫如河決道路寧遺涸轍魚

簡劉使君

驄馬霜飛海甸寒畫熊天遣到江干聲名未減淮陽
臥世事何如蜀道難不見黃金勞漢使曾同白筆載
周官城頭萬古廬峯色尚可同君倚醉看

宿華嚴公館館人曰故華嚴寺也有感作此詩
道傍空館鬱崔嵬卻是前朝說法臺舍利已隨秋草
沒摩尼曾捧夜珠來爭驅馬首衝疑網誰向龍池辨

劫灰見說村中風雨夕猶聞金鐸上方回

章城喜余德甫至

章城雨過百花飛江上春隨使節歸
衰色漸添兵後髮淚痕猶滿別時衣
燕臺舊侶黃金盡楚地新聲白雪稀
攜手便應拚一醉向來詞客宦情微

登望湖亭

亭在彭蠡湖中蘇長公題詩其上

湖北湖南春水深小亭孤嶼水雲侵
長天一縱哀時目芳草偏含去國心
波射夕陽千鬢動雨收平野萬峯陰
人傳學士登高賦曾似當年澤畔吟

劉使君病後有歸志作此慰之

五月山城病欲蘇，七閩東望海天孤。
鏡中華髮愁分虎枕上，秋風擬釣鱸。
雨過松杉寒不散，江清猿鶴晝相呼。
稍聞父老爭留寇，那得扁舟遂五湖。

送王道克給事還京

憶昔曾聯供奉班，瑣闈清切五雲間。
簪毫夜傍金莖直，委佩晨趨御輦還。
一自風塵捐駿骨，翻從湖海問龍顏。
君今更入承明謁，補袞何須羨仲山。

子與子相自閩中遣使訊予匡山賦答二章

素書遙自七閩來，落日披緘字字哀。
漸有烽煙侵臥閭，可能花月傍登臺。
窮途頗悟盈虛理，我輩原非侍

從才爲語慢亭攜手客清樽須復避人開

其二

信使迢遙問逐臣却令雙淚滿衣巾
愁心夜送江流急短髮秋懸海色新
閉閣久無青瑣夢看山聊與白雲親
思君一曲匡廬絕何得乘風到七閩

劉使君病起邀予避暑郡齋

桃竹簾欹白葛冠綠沈瓜雪水晶盤
已宜疎雨中庭霽忽有飛泉入牖寒
河朔故人能嗜酒文園病客且加餐
如君一失蒼生望何處東山起謝安

贈姜約甫

一臥淮陽未白頭，浮雲忽作廣陵秋。
扁舟豈爲尊鱸去，野服將從鹿豕遊。
遂有少年娛北海，不妨高士重南州。
聞君更就還丹術，倘入蓬瀛何處求。

題余德甫草堂

萬戶朱樓夾廣衢，憐君小築寄城隅。
坐中山色羣書擁，枕上江聲四壁虛。
奇字故人爭載酒，席門長者漫停車。
我來竟日壚頭醉，風景何曾異敝廬。

落星寺

湖上香煙暮不收，靈宮蕭瑟寄中流。
濤聲觸石千峯震，雪色兼天萬象愁。
僧舍迴疑浮磬立，客槎還似渡

杯遊何人不訝星芒落一片珠光燭斗牛

貢院月夕有作呈徐思行侍御

棘院陰森章水涯銀河天轉月初斜雲間彷彿湘靈
瑟海上迢遙博望槎不惜千金收郭隗已看雙劍遇
張華停驄坐攬清秋色一夜西風落桂花

校文簡同事諸僚長

江上秋懸鐵柱鳴龍光宵燭灌嬰城玄珠出海千雲
捧彩筆陵天萬象爭大陸儘容驅上駟少年俱欲請
長纓風塵倘慰陵陽泣敢愛人間識玉名

登石鐘山

楚客登高秋思濃白雲隨杖入芙蓉九江落日迷山
市萬里寒濤響石鐘古閣凌空愁過鳥輕帆帶雨挾
飛龍俯看天塹雄南北何事中原存戍烽

送劉使君上計入京

江風吹雪灑匡廬行旅蕭條向帝都北望星河雙
闕迴南來車馬十年餘明廷再獻朝元頌天子寧
忘諫獵書爲問徃時遊俠地華陽諸客近何如

贈武中行將軍

初中行氏拜衛將軍予時在戎垣奉

命校其騎射今予謫居匡山而中行亦鎮節彭

蠡乃又聞其鼓掌談兵頗有封疆之慮爲此

詩壯之

登壇一日帝恩新樽俎江湖遠見親自是君才優
入彀豈緣吾力佐推輪吳兵百戰瘡痍定楚戍孤懸
感慨頻公暇頗聞談劍術珥貂鳴玉竟何人

簡貢文學

向來被髮走廬山千疊芙蓉次第攀樹杪玉虹乎自
躍雲深白鹿不知還誰言傲吏能違俗賴有新知一
解顏爲問昔時龍劍氣冥冥只在斗牛間

己未元日

三年元日醉孤城此度辛盤旅思驚漢吏形容看漸
老匡山雲物更爲情梅花入署春相訊柏葉當歌暖
自傾却憶甘泉題賦後江湖翻畏子雲名

元夕武將軍宅翫燈

寂寞高齋日據牀興來猶入冠軍堂共言良夜千金
擲沈有華燈七寶裝月捧鼇山懸綺席星隨火樹撲
雕梁停歌忽憶長安事太乙祠官在未央

奉酬凌汝成參伯見懷

何處春花擁傳過題書千里問蹉跎愁當落日聽鴻
鴈病掩空齋臥薜蘿十載爲郎知遇少一時遷客召

還多知君獨有憐才意爲指浮雲發浩歌

雪浪閣題贈羅太史

百折春江數仞峯巖扉蕭瑟暝雲重濤翻白雪凌孤
閣石吐玄泉落萬松抱璞荆山寒自照乘桴滄海暮
誰從如何漢帝中興日尚使人間有臥龍

奉答朱宗伯

谷口移舟勝若耶春樽疑對武陵花十年此別心仍
醉一夜相思鬢欲華不見安車馳魯邸敢期前席問
長沙從君浮海非無意却恐星辰犯客槎

劉方回郎中見訪

五夜星分闕下班三年秋思滿江關予甘末路從人
棄汝亦清時謝病還樽酒暫寬書後淚兵戈俱老別
時顏酣來不作南冠泣促膝高歌月滿山

徐立之京兆見過

山堞斜陽照席門匡牀暑氣坐來繁形容漸改仍多
病杯酒難期況故園萬里旌旄天上下十年心事枕
邊論漢家恩澤先京兆定有訐謨客至尊

夏日汎舟訪劉方回阻風橫泊洲有作

百疊青山一水浮興來思共美人遊波搖洲渚天無
力日薄蒹葭雨欲流長夏已排河朔酒北風偏滯刻

溪舟盈盈不比瀟湘隔采采江離轉自愁

答樹德

雙鯉遙傳尺素書加餐相憶復何如秋風梅福冠應
掛明月徐生榻遂虛別後幾人青桂社歸來三畝白
雲居關山無限相思意日醉清樽未破除

答同伯

別來高枕漢江東未向塵氛泣路窮江上青山橫落
日雲邊白羽厲秋風明珠未報心仍遠短劍深憑氣
尚雄若使河清真可俟儘拚身世老萍蓬

答用晦

千里題書見所思
乾坤何處覓新知
却從南浦銷魂後
苦憶西山對酒時
逐客敢論天下事
故人能識郢中詞
黃塵漸滿江湖日
五嶽他年濟未期

答宗子相見訊

去國西從五老游
看雲日日醉江州
微名不忝稱三黜
短髮何堪任百憂
旅夢月寒宜室夜
歸期木落洞庭秋
知君萬里能憐我
白鴈來時淚未收

至日俞文學虞叅軍見過對雪

只道陽春一線多
山齋寂寞奈愁何
浮雲遊子踪無定
故國親知髮已皤
魚美正同張翰去
雪殘應待子

飲過十年斗酒期難數莫惜當筵更放歌

龍甕洞藁卷之二十二

武昌吳國倫著

始安張鳴鳳校
新安方尚賢

七言律詩八十七首

吳侍御惟錫按楚還京

憶自鷓班識令名五陵年少避驄行
丹書日擁燕臺下白簡霜飛楚甸清
畏客久無鸚鵡賦憐君獨作鳳凰鳴
朝廷豈復須巖穴不盡瀟湘戀闕情

冬日集鄭館

臥雪袁安道未貧談天騶行術猶新
短堦時過東隣酒僻巷先回北谷春
帳外諸生能度曲樽前稚子解

留賓綈袍贈汝寒仍在白首相看誰故人

歲暮奉簡明府二叔時予將北上

日日從君醉玉壺不知處有窮途歲華荏苒心仍
壯山水蕭條曲未孤豈是阿咸能肖阮偶同張翰一
歸吳春來芳草堪乘興何事驅車上 帝都

人日明府二叔攜二客見過趣駕

江上鴻歸春正寒梅花蕭瑟傍疎欄君來著屐東山
好客有盈樽北海歡風物故園猶綵勝歲時孤閣且
辛盤豈綠高臥忘 明主白髮相憐未忍拚

元夕燈宴同周俞二丈

何處鰲峯海上蟠故園燈夕且邀歡空堂樹色分春
早四壁星光入雨寒莫向清樽論宦跡總愁華髮負
儒冠吳兒最解娛賓意百轉清歌夜未闌

遊太湖龍崖觀

龍山合沓俯靈湫龍去山空水自流萬壑松風吹絕
壁一灘沙色擁飛樓坐凌空翠春衣濕步入盤渦蠟
屐愁仙洞桃花曾未落漁人虛擬避秦遊

寄劉子成兵憲

時鎮淮揚

萬里黔陽攬轡來海門烽色望崔嵬營開列戟秋虹
繞幕擁雙戈赤日回風鶴已傳淮水捷鼓鏡真越漢

人才何時得泛維揚棹
醜酒同登戲馬臺

桐城遇張文學

暮雨孤城匹馬來
相逢猶似夢初迴
可憐綠鬢論交意
半老青雲獻賦才
問俗已非舒子國
橫經好在皖公臺
知君手自成瑚璉
不學荆人抱璞哀

廬州屠宗豫使君招飲郡齋

廬州郡閣與雲齊
臥閣停雲白日低
峯擁耆闈浮海上
城臨金斗壯淮西
相看春色杯應滿
況是風塵手暫攜
莫問年來遷客路
乾坤處處使人迷

春日與吳提學峻伯遇於東郡

立馬窮桑雨氣深
天門落日下平陰
逢君敢問遊燕計
畏路俱含望魯心
雙眼浮雲過說劍
十年流水入攜琴
古來文物歸東郡
叩壁曾聞金石音

汶上贈韓明府

中都文物古來傳
問俗新知茂宰賢
海上峯陰邨子國
城頭沙合汶陽田
歌聲已傍千花動
歸思翻從五柳懸
孤署細論心竝折
不知明月落樽前

河間道中

楊花如雪下城阿
匹馬班班野堞過
春事漸隨行旅盡
夕陽偏向逐臣多
武垣圻地雄三輔
瀛海蟠天落

九河悵望薊門烽火近卻憑孤劍起悲歌

德州徐兵備汝思招飲

岐路巾車避客過平原春色奈君何論文豈敢咻齊
傳對酒聊能縱楚歌風起鴈聲寒赤塞沙蒸日氣暝
黃河不禁永夜呼盧醉此會乾坤總未多

汝思同諸公登泰山出所作見示

幾年夢寐登東岱咫尺虛從馬上看不分青雲私上
客常扶彩筆到層巒樽前日吐天門曙句裏濤生海
甸寒便欲凌風將羽翼驚聞玉女珮珊珊

初入京夜集李伯承尚寶宅論詩

碣石宮前款舊盟幾年江海不勝情重來白首寧干
世賴有清樽可避名別後故人鸚鵡賦夢中今夕鳳
皇城知音一遇當千古總抱朱絃何處鳴

吳化卿舍人攜酒過訪

西掖梧桐玉露垂十年金馬倦遊時不妨疎嬾從人
後只怪蹉跎見爾遲草詔雲生鳩鵲觀退朝花隱鳳
皇池相憐逆旅風塵色日日攜壺問楚辭

間行訪元美敬美二首

時二美以家難棄官寓燕邸

急難辭官漫陸沈間關被髮遠相尋經過自削人間
跡對語仍寒別後心霜下薊門天黯澹虹垂碣石晝

唐書
卷之三十三
陰森尊鱸正好歸無計腸斷吳江秋水深

其二

一自浮雲失路岐關山風雨繫離思可憐微服過逢
地却是南冠對泣時結客黃金虛自擲投人白璧總
相疑請看落日瀟湘色千古猶含楚賦悲

答于鱗見訊

萬里悲風吹暮笳逐臣猶自傍京華裁書欲寄孤生
杜謝病曾營五色瓜馬上山明青海月夢中春老赤
城霞可憐同社諸兄弟只似河橋楊柳花

過鄭

曉歷高原望鄭墟爲耽奇勝屢停車洪堤想像黃圖
迴廣武間關霸業虛三月流風仍被袂千秋遺愛豈
刑書中原處處征求急那得孤城獨晏如

酬張考功助甫

匹馬重來叩漢關逢君落日淚潸潸如何七子風雷
後尚有斯人天地間礪石嶙峋非舊社蓬萊清切自
仙班題書未與山濤絕二室三花擬共攀

肖甫儀部攜壺夜過

旅巷驚聞駐玉珂張華夜逐酒人過黃金消息壚頭
盡白雪聲名海內多萬戶星辰占遇合九邊風雨入

悲歌瀟湘雜佩堪遺汝一別其如秋思何

將赴河南移息報國寺方丈耿在倫侍御高伯
宗龔用卿二比部洪濟卿參軍攜壺出訪經
宿而別

停車一借上方樓萬慮都從覺後迷洗藥泉分慈海
外煮茶煙吐禁城西客攜冰簟依禪榻僧向雲門指
御題勝蹟玄談俱不偶可堪行色動青驪

涿鹿道中

涿鹿城頭沙氣昏西山烈烈火雲屯鳴鞭忽過華陽
道賽鼓猶聞督亢村宮闕九關虛極目烽煙六月已

銷魂古來畿內饒湯沐萬戶今懸 聖主恩

滹沱河

滹沱之水鴈門來直入平原遶漢臺萬馬乘流奔赴
海千鯨觸石鬪鳴雷秦兵北戍投鞭渡楚客南浮擊
楫回麥飯亭前沙草合翠華不見使人哀

贈魏郡陳兵憲敬夫

魏地山川翊上都九河東盡海天孤 朝廷尚憶雲
中守使者新嚴臥內符白羽秋風清部曲絳帷晴日
擁生徒知君意在銷金甲未向黎陽問霸圖

謁子路廟

衛侯宗社已丘墟蒲令祠堂非故廬俗朴尚遺三善
舊庭閒猶似片言餘風吹斷壁龍蛇臥草沒荒臺狐
兔居弔古百年重灑淚松杉落日倍蕭疎

睢陽懷古

帝輦西巡六馭勞中原萬戶入腥臊胡塵不阻黃河
險戰血猶懸赤日高力盡睢陽千虎口身輕霄漢一
鴻毛當時鼓角聲難散斷壘悲風日夜號

得鄭若庸鄴下信却寄此詩諷之

一別風煙悵渺茫書來猶自未還鄉思君落日懸吳
會久客孤雲倚濁漳賜壁虞卿書更著脫錐毛遂策

誰長扁舟谷口何年事江水青青橘柚黃

立秋日登大梁城樓

官閣凌空汴水深金飈初動客登臨浮雲易改三川
色落葉先驚萬里心江上美人遺雜佩城南少婦拭
清砧繁臺兔苑今禾黍日暮憑欄思不禁

郊外餞別陳錫卿兵憲赴威茂

睢水東環脩竹園一樽聊駐使君軒黃金市劍雙龍
躍白羽提兵萬馬喧天上春雲開蜀道峽西明月望
中原相逢父老無相難椎髮雕題識漢恩

寄訊王元美

落日黃河起北風，爲將雙淚入江東。
辭官赴難荆榛過，擁骨還山橘柚空。
六月冰霜人意外，一門生死帝恩中。
可憐國士虛相遇，敢向天邊覩白虹。

訊敬美

彩雲雙鳳下秋冥，苑樹風高翼未寧。
三世國恩仍浩蕩，一時家難遂飄零。
非無黍谷廻春律，自是轅門落大星。
歸臥東吳年正少，愁心江水照青萍。

哭宗子相四首

弱冠登朝意氣偏，華陽斗酒縱談天。
從人白眼浮雲過，去國新詩大海傳。
尚憶燭龍廻暮景，豈應妖鵬識

流年知君更抱中郎恨萬卷遺書失仲宣

其二

別後裁書涕淚多五年衣食傍兵戈渥洼驪鬣空燕
市閩海魚龍妬汨羅把臂徃時非汗漫策車千里亦
蹉跎誰將一曲廣陵散翻入山陽笛裏歌

其三

詞園諸客竝沈淪一日風波萬態新金馬玉珂俱徃
事青門黃土竟斯人誰堪多病馮唐老更少平生鮑
叔親覽社雙珠今不見却疑淮海失精神

其四

萬里招魂君豈知天風嗚咽楚人詞雲寒洛浦歸任
昉歲晏濠梁憶惠施雙淚把詩還字字一樽傷徃獨
時時由來腐骨無今昔宿草寧嫌酌墓遲

雪望

雪積中原改物華憑高何處望天涯歸心欲亂章臺
絮春色先殘兔苑花苦被白雲侵擁褐却疑銀漢入
浮槎梁園萬戶寒烟裏脩竹虛無噪暮鴉

辛酉元日同諸守臣從侍御行賀正禮于睢州
公署詩以紀之

濯錦池頭曙色催孤臣春夢五雲回仙班彷彿旌門

入淑氣氤氳帳殿開口近中嵩呼萬壽天依北斗望
三台誰從野外翺緇叢柱史今簪白筆來

李川父宅宴集分得西字

積雪初晴柳未齊洛橋春望楚雲迷多君虛席夷門
左與客論文兔苑西千古紅塵銷感慨一樽明月慰
羈棲年過七十顏如玉何用尋仙入武溪

暮春同二大夫過李憲使山庄

東毫桃花無數開西園結駟行春來沙昏不辨梁王
苑樹杪忽出闕伯臺落日酒杯任君勸浮雲簿領非
吾才請看世路悠悠者得醉花前能幾迴

寧陵出郭訪李憲使于解氏園醉留此作

灌木重雲覆古隄柴車野服叩幽棲沙隨市遠雞豚
足葛伯村荒燕雀迷入戶藤蘿塞翠壁中庭花石引
丹梯習家風景君能醉誰笑山公獨似泥

署中盆荷始花喜而有述

盆水疎荷亦自芳空齋著雨似林塘葉心珠墮仙人
掌花際雲銜帝女粧虛訝錦衾遺洛浦欲攜初服問
瀟湘南薰且作繁華主莫道開樽是異鄉

聞高伯宗比部擢長史奉景王之國寄贈二

首

帝子玄圭錫禁中
詞臣絳節走湘東
由來周室分封重
不與長沙出傅同
入國徐騫雲母輦
延賢先侍日華宮
方城自可爲盤石
莫使門窺十五童

其二

西曹白首更從王
江漢千秋是帝鄉
自信穆生能重楚
何如司馬倦遊梁
衣冠末路無工拙
詞賦窮交任激昂
賜宅高臨雲夢渚
幽蘭一曲轉堪傷

伯宗嘗謂子疎

狃不善宦詩
意有感焉

張四宅牡丹

無數名花秀可餐
韶光殊似洛中看
誰家競鏤千金

勝戚里虛裝百寶欄
連屋繁香風不斷
向人嬌豔日爭寒
醉忘雙鬢隨春老
笑摘殘枝戴鷓冠

七夕

大棘天高鴈影斜
秋風零落兔園花
他鄉七夕聊持酒
短髮頻年獨憶家
乘月佩環飛欲墮
隔河機杼望猶賒
虛傳乞巧人間俗
拙宦潘生老自嗟

同張肖甫登平臺

古木平臺汴水涯
登臨猶自憶豪華
梁王閣道遊龍臥
魏客夷門列雉斜
日落榛蕪秋萬里
風飄砧杵暮千家
逢君是處堪杯酒
極北雲山悵望賒

秋日貽李給事葉侍御黃民部張膳部陳大行
時俱左遷中州以執事會大梁爲此詩志感
結駟遊梁倦未歸斷鴻遙逐楚雲飛諸君豈合同留
滯直道從來有是非落月夢懸明主席深秋寒入
侍臣衣夷門握手殊顏色肯爲窮途淚漫揮

九日旅舍與肖甫坐談潘文學攜酒殺適至

末路逢君亦夢思敝車爲客轉支離塞鴻秋斷中原
影籬菊寒深故國枝早帽當筵風自側白衣何處酒
能持信陵臺畔霜如雪坐遣繁愁入鬢絲

鄴城懷古

城畔清漳間濁漳居人不自感興亡西園月散脩文
社北道煙沈講武場雀去三臺空峙鼎龍爭尺土類
分香韓陵片石無今古猶抱煙沙擁太行

比干墓

斷碣誰題古大師道傍孤塚自纍纍三宗無力回商
鼎一諫那能決酒池白霧蒼茫懸首地青天想像剖
心時桃林牧野俱陳迹行路偏含異代悲

除夕

千門荼壘爲誰新獨夜椒花自恰神湖海弟兄傷往
事關山兒女憶歸人窮依薄祿堪終歲病挾衰容又

入春欹枕十年青瑣夢只隨雲物度楓宸

徐子與補汝南太守將至同張肖甫遲於大梁
上國傳書已暮春
檐帷幾日渡河津
重逢漢吏分符處
合是梁園授簡人
詩句小能酬造化
酒杯深自解風塵
中嵩雲氣平臺月
便欲持之贈所親

周汝熙文學下第還閩因過大梁見訪詩以送
之

匹馬東歸意未平
相逢卮酒百年情
風吹沙海裘先敝
路入延津劍欲鳴
抱璞且收和氏淚
下帷應就董生名
武夷好共尋仙去
何得闌江遂解兵

追輓李光祿忠節

上黨李文昭公正統己巳以光祿丞死土木
之難朝有卹典邦人至今祠之其曾孫克
善時爲開封郡丞雅意表章先烈吳子感而

賦焉

何人諫獵叩彤闈扈從當年事已非萬馬忽乘青海
戍六師翻因白登圍魂依塞草寒無色血濺胡雲黯
不飛千載孤忠懸俎豆還如仗節虜庭歸

夏日卽事志喜

平臺搔首視黃河千古豪華一逝波漢闕此時成請

劍翟家無地可張羅重依日月瞻明盛敢向風雲惜
轅軻試聽中原諸父老鳴弦擊壤自謳歌

送門人魏文啓下第南還

往時魏絳和戎策擊節看來衆所驚一日敢論知己
後五年猶作上書行臨印重客如司馬魯國諸儒避
伏生梁鴈欲隨彭蠡去樽前絲管亦秋聲

助甫邀泛汝河分得關字

客程秋雨換青山一片浮雲去住間新漲初平懸瓠
水歸鴻猶阻木陵關樽前賦作浮淮去月下舟成訪
戴還無奈故人能醉我平原十日未應攀

過麻城留寄耿在倫侍御

一別燕山歲屢更，素書難寄遠遊情。
虛從五鹿誇能事，好是三鱣頌大名。
日下西陵人咫尺，秋歸南浦鴈縱橫。
不知何地堪攜手，一夜相思短髮生。

醉答家兄勸駕詩

秋風江上賦歸來，便擬煙蓑老釣臺。
過客偶傳除目至，仁兄相向好懷開。
深知吐握延賢日，轉媿艱難濟世才。
一出又牽池草夢，何如此夕共銜杯。

答汝脩則勸

天京雷雨蕩妖氛，日有徵書下五雲。
高士漸從巖穴

起小臣何意姓名聞重揮涕淚驚前事却恐衰遲負
聖君同學故人頻勸駕到來休勒北山文

王生作美人圖見遺因贈

七尺生綃百美圖含情飛色麗金鋪堂懸楚峽雲難
散逕指秦臺鳳可呼抱瑟似聞歌竹妓鳴環何處降
麻姑瀟湘變幻良工手點染鉛華惱病夫

初夏同王使君過開元寺

芝林歇馬叩文殊貝闕陰陰複道紆遶院風燈搖罔
象半山雲蓋擁浮圖建州城郭千花遶閩海煙沙一
雨驅只訝諸天常不夜摩尼隔水弄明珠

贈王使君子薦

奏賦明光弱冠時分符閩海亦恩私案頭花氣青山
合溪上松濤白日馳春擁襜帷行雨露夜憑星劔泣
蛟螭誰知楚客飄零處得共清樽狎武夷

贈吳樞季司理因懷其兄峻伯

吳氏向來稱季子名家況復二難并建州同舍亦奇
事魯國窮交非世情試吏先憑三尺法散衙常與百
花盟憐君有夢依池草天日浮雲咫尺生

莆城陷後黃亨夫給事方君敬員外俱避亂樵
川各賦一詩訊之

諸將平南插羽遲故人離亂復何之十年瑣闥無還
夢一日桑田有變時逆旅形容青鏡惜名山詩句白
雲知難將往事傷心盡今古浮雲逝若斯

其二

末路重逢鬢已華亂離飄泊不勝嗟卽今海上仍鉦
鼓何日莆中有室家載橐向人驚履跡泛舟隨水問
桃花高齋一榻堪延汝細瀉愁心入紫霞

奉訊林中丞汝雨時以避亂至郡

投傳歸樓大海濱掩關猶自畏風塵十年兵火馳諸
將一日山川幸此身負子欲耕梁父壠逢漁未識武

陵津稍聞開府新乘勝且復淹留醉故人

九日同君敬登西塔寺閣

西塔峯頭醉倚欄故人佳節劇相歡溪搖白練穿城
下樹擁丹梯到閣看何處煙雲升海氣幾家砧杵送
秋寒黃花不減東籬色只愧青門未掛冠

林中丞寓館同何侍御潤夫方員外君敬攜酒
過集

避地移家秋欲闌昭陽山水鹿門看蠻煙蜃雨身初
定石室蘭臺夢已寒童子放歌將進酒故人相慰且
加餐十年高臥頭仍黑未必勲名負釣竿

聞徐汝寧被謫寄此慰之

別後中原夢屢驚，擔簦何處著虞卿。
兔園白雪蒼茫過，燕市浮雲慘澹生。
尚有酒杯存故態，虛將湖海避詩名。
茗溪之水桃花色，此日能無遠去情。

閱武酬包護軍作

戈戟如林擁將臺，建牙吹角陣雲開。
材官盡領千夫長，小隊爭迎五馬來。
虛擬投醪堪饗士，敢從談鋏誤論才。
憑君莫解戎衣臥海上，王師戰未回。

初春署中對雪兩兒子持酒爭勸醉而志喜

雪滿山城海氣孤，蠻煙千嶺入虛無。
豐年蚤爲三農

卜濁酒歡憑兩稚呼檻竹垂垂分玉筍盆梅澹澹浴
冰壺馬卿虛索梁園賦一醉陽春病已蘇

送王子薦擢大梁憲副二首

年少專城事已奇循良更遇九重知塞帷大海風
濤壯開府中原日月私別去綈袍無遠近古來神劍
有雄雌懸知二室看花處尚憶三山對酒時

其二

攬轡山川亦壯哉感時還上信陵臺天懸南北星河
動地引嵩嶠秋色來多難正須司馬法舊遊誰似長
卿才洛中諸客如相問隨處名山縱酒杯

送林給事子順還京

仙掌高懸北斗間，卿雲常護紫宸班。
十年瘴海波初定，八月星槎使正還。
寓直桐陰清左掖，退朝香氣鬱西山。
知君補袞非凡手，不必青蒲擬犯顏。

題林子順陽溪別業

玉珂朝下承明廬，猶問陽溪舊卜居。
歷亂水雲千樹曲，蕭疎籬落萬兵餘。
醉攜海色看馴鳥，閒註遺經課種魚。
一室掃除君不屑，向來焚草定何如。

與周汝熙文學

壬戌夏汝熙歸過大梁，予贈之詩有云：武夷

好共尋仙去何得閩江遂解兵今予入閩一
年兵事稍戢汝熙適訪予至歎曰昔詩豈偶
然哉又賦詩見貽獎借予治行因作此志感
焉

憶我窮愁入魏年逢君羸馬倦遊燕自從白雪樽前
過常使黃河夢裏懸臥閣此時閩海吏叩門何處武
夷仙如能挾我餐霞去不必循良世上傳

送阿端還楚

吾兒十歲強論文旅邸相依意獨殷思母夜啼閩海
月還家秋傍楚關雲舟前落葉千砧送枕上寒江一

鴈聞聚散亦知從浪迹牽衣不解淚續紛

送阿堂

七日生兒憶遠離五齡從宦未全癡安危襁褓天相
命聚散兵戈爾不知漫學裹糧將母去已能懷果爲
兄私臨岐問我歸何暮一夜秋風鬢欲絲

送姪子懋聲

吾兄千里憐其弟遣汝迎家向故山永夜驚心仍寇
盜頻年飛夢只江關扁舟一繫兒悲別戰鼓初停婦
喜還聞道水南新卜舍桃花莫似武夷灣

寄懷子與

故人幽思白雲同，只怪新詩病後工。
看菊屐停三逕裏，採蓴舟泛五湖東。
尺書迢遞緘秋色，斗劍憑陵倚暮空。
我亦倦遊歸未早，可能雙翼比晨風。

真顧季狂見訪

海上秋深鴈未回，暮雲飛傍越王臺。
風生萬里登高處，天遣孤槎泛客來。
鱣浪有時驚倚劍，龍珠無色照銜杯。
吳歌百闋今能否，多少愁容待汝開。

寄懷謝茂秦

幾年問訊隔漳河南，下今如萬里多垂老。
詩篇猶慊慨，傍人生計已蹉跎。
中原不盡孤雲色，海上都無一

鴈過零落舊遊君不見秋風處處起悲歌

武昌過熊元乘憲使宅有懷

兵戈海上別君時十二年來各鬢絲分陝安危明
主仗過秦工拙古人知家鄰樊口尚如昨客到江門
有所思却喜兒孫皆素業謝庭蘭玉莫爭奇

至日發武昌作

五馬翩翩向五雲陽光一日遍江濱宮衣舊賜寒仍
拭玉律初噓暖漸分浪迹往時虛近侍懸心遠夜入
氤氳且隨羣牧趨元會猶勝釣天夢裏聞

新刊

卷之二十一

二十一

新刊洞案卷之二十一